

ORDENANZA FISCAL NÚM. 152

TAXAS POR APROVEITAMENTOS ESPECIAIS DA VÍA PÚBLICA

ARTIGO 1º. NATUREZA, OBXECTO E FUNDAMENTO.

En uso das facultades concedidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases do réxime local, e de conformidade co disposto nos artigos 15 a 19 do Real decreto lexislativo 2/2004, do 5 de marzo, polo que se aproba a texto refundido da Lei reguladora das facendas locais, e artigo 331 da Lei 5/1997, do 22 de xullo, da Administración local de Galicia, este Concello establece a Taxa por aproveitamentos especiais da vía pública, que se rexerá pola presente Ordenanza fiscal, as normas da cal atenden ó prevido nos artigos 57 e 20.3 do citado Real decreto lexislativo 2/2004, do 5 de marzo, polo que se aproba a texto refundido da Lei reguladora das facendas locais.

ARTIGO 2º. FEITO IMPOÑIBLE

Son obxecto desta ordenanza os aproveitamentos da vía publica e terreos de dominio público no seu solo, subsolo e voo que a seguir se relacionan:

- a) Con motivo da apertura de perforacións, gabias e calquera remoción de pavimento ou beirarrúas na vía pública.
- b) Con valados, puntais, estadas e outras instalacións axeitadas para a protección da vía pública das obras lindereiras.
- c) Con colectores e sacos para recollida ou depósito de entullos, areas, materiais de construción, camións bombeadores de formigón, silos e outros.
- d) Con Mesas e cadeiras provistas ou non de toldos ou elementos semellantes para protección.
- e) Con postos, barracas, casetas de venda, espectáculos e actividades industriais ou recreativas instaladas na vía pública, e terreos de uso público ou ambulantes.
- f) Con motivo de instalación de caixas rexistradoras e de distribución, bocas de carga de combustible, arquetas, báscula, casetas de transformación de enerxía eléctrica, cables, encanamento, farois, escadas de emerxencia e outras instalacións que impliquen ocupación de vía pública no solo, voo e subsolo para usos particulares.

g) Con caixeiros automáticos, máquinas para a adquisición/aluguer de películas ou para a venda de productos legalizados, en línea de fachada e orientados cara a vía pública.

h) Calquera outro aproveitamento especial da vía pública que conceda este Concello.

ARTIGO 3º. OBRIGADOS Ó PAGAMENTO.

Están obrigados ó pagamento das taxas reguladas nesta ordenanza:

- 1) As persoas físicas ou xurídicas beneficiarias da utilización privativa ou aproveitamento especial do dominio público ou a quen afecte ou beneficie, persoalmente ou nos seus bens, os servizos ou actividades públicos que constitúan o seu feito imponible.
- 2) Se é o caso, terán a consideración de suxeitos pasivos as herdanzas xacentes, comunidades de bens e demais entidades que, carentes de personalidade xurídica, constitúan unha unidade económica ou un patrimonio separados susceptible de imposición.
- 3) Os beneficiarios dun aproveitamento continuado que figuren no correspondente padrón, en tanto non presenten a baixa, áínda no caso de que cesesen no aproveitamento, mesmo cando o cesamento no dito aproveitamento se deba a causas non imputables ó contribuínte.

ARTIGO 4º.TARIFAS.

A contía das taxas reguladas nesta ordenanza será a que figure nos epígrafes que seguen, segundo ó tipo de aproveitamento, superficie ou lonxitude de ocupación, duración desta e categoría da rúa:

Epígrafe A: Perforacións e gabias e calquera remoción de pavimentos e beirarrúas.

a) Para acometidas á rede de auga e saneamento municipais:

A cota por aboar será o 50 por cento da valoración resultante dos puntos B.4) e B.5), respectivamente, do artigo 92.4 da Ordenanza fiscal xeral.

b) Para as restantes:

Por m² ou fracción por día.

Categorías	1 ^a	2 ^a	3 ^a	4 ^a	5 ^a
	9,70 €	6,77 €	4,94 €	3,38 €	1,92 €

Epígrafe B: Valados, puntais, estadas e outras instalacións axeitadas para a protección da vía pública das obras lindeiras.

Por m² ou fracción e cada 15 días ou fracción:

Categorías	1 ^a	2 ^a	3 ^a	4 ^a	5 ^a
	6,77 €	5,83 €	4,94 €	3,38 €	1,95 €

Unha vez rematado o prazo de ocupación sinalado na licenza deberá o interesado solicitar a correspondente baixa da ocupación nas Oficinas de Facenda Local ou, de ser o caso, solicitar a correspondente prórroga. De non se cumpliren estes requisitos aplicarase o seguinte:

As cotas deste epígrafe serán obxecto da recarga do 50% unha vez rematado o prazo fixado na licenza e nos tres meses seguintes. O tempo que excede de tres meses aplicarase á cota inicial do epígrafe a recarga do 100%.

Epígrafe C:

a) Areas, materiais de construción, camións bombeadores de formigón, silos, plataformas elevadoras e outros:

Por m² ou fracción e día ou fracción:

Categorías	1 ^a	2 ^a	3 ^a	4 ^a	5 ^a
	10,68 €	4,94 €	1,95 €	1,95 €	1,95 €

b) Colectores e sacos para recollida ou depósito de entullos, que se esixirá en réxime de autoliquidación:

Colectores: Por m² ou fracción e día ou fracción:

Categorías	1 ^a	2 ^a	3 ^a	4 ^a	5 ^a
	0,56 €	0,46 €	0,34 €	0,34 €	0,34 €

Sacos (ata 1,2 x 1,2 m²): Por día ou fracción:

Categorías	1 ^a	2 ^a	3 ^a	4 ^a	5 ^a
	0,90 €	0,67 €	0,46 €	0,46 €	0,46 €

Epígrafe D: Mesas e cadeiras provistas ou non de toldos ou elementos semellantes para protección.

a) Tarifa anual, por cada m ² ou fracción de terreo de uso público:	55,20 €
b) Tarifa de temporada, por cada m ² ou fracción de terreo de uso público, durante os meses de xullo a setembro, ambos inclusive:	27,60 €

Cando os aproveitamentos non se realicen en rúa de 1^a categoría fiscal, as cantidades que resulten da aplicación das anteriores tarifas multiplicaranse polos coeficientes que se indican a efectos de determinar o importe a pagar:

Categoría fiscal das vías públicas	2º	3º	4º	5º
Coeficiente	0,80	0,70	0,60	0,50

No caso de que existiran toldos ou parasoles de protección que delimiten unha superficie superior á delimitada polas mesas e cadeiras, tomarase aquela como base de cálculo.

A superficie autorizada deberá de ser acotada pola Policía Local mediante pequenas escuadras pintadas no chan, co obxecto de facilitar a inspección da superficie realmente utilizada.

En calquera caso, ningunha cota que resulte da aplicación das tarifas sinaladas poderá ser inferior a 51,10 €

Epígrafe E: Postos, barracas, casetas de venda, espectáculos e actividades industriais ou recreativas instaladas ou ambulantes.

A) Postos, barracas, espectáculos ou atraccións:

Por metro cadrado ou fracción de terreo ocupado por día.	0,80 €
--	--------

B) Industrias ou actividades da rúa e ambulantes:

1. Artesáns que fabrican as súas propias mercancías, por m ² ou fracción e día.	0,30 €
2. Actuacións circenses e outras semellantes, por día.	79,50 €
3. Exposicións de animais e outras semellantes, por día.	79,50 €
4. Outros ocupantes dedicados á venda de mercancías ou á prestación doutros servizos, por metro ou fracción e día.	2,00 €

A superficie computable será a que ocupe o posto máis unha franxa de terreo de 1 metro de ancho paralela á liña exterior do mostrador.

Os titulares destes aproveitamentos están obrigados a ter consigo a tarxeta identificadora para os efectos de comprobación pola Policía municipal e polo Servizo de Facenda Local.

Asímesmo, será necesario obter a tarxeta que autoriza o aproveitamento, previo pagamento a través de autoliquidación da taxa correspondente segundo o número de mercados autorizados.

C) Festas de San Froilán:

Dado o carácter específico e consuetudinario das ditas festas, e a especialidade desta ocupación do dominio público, na determinación do importe desta taxa aplicaranse os seguintes criterios e parámetros:

Atendendo ó tipo de atracción e metro lineal da ocupación establecéncense as seguintes tarifas:

Atraccións de azar, por metro lineal ou fracción.	526,50 €
Carruseis, por metro lineal ou fracción.	451,30 €
Espectáculos, por metro lineal ou fracción.	376,10 €
Degustacións, por metro lineal ou fracción.	300,85 €
Atraccións de habilidade, por metro lineal ou fracción.	225,65 €
Postos de venda, por metro lineal ou fracción.	150,40 €

Excepcionalmente, poderán determinarse unhas dimensións fixas á parcela obxecto de ocupación (posto) con independencia de cal sexa a ocupación real. Neste caso a determinación da tarifa será o resultado da aplicación do cadre anterior coa posibilidade dun incremento ou dunha diminución de ata un 20 por cento da tarifa así calculada.

Dentro dos distintos tipos de atracción, poderán contemplarse ata tres categorías e, atendendo a estas, á tarifa contemplada no cadro e parágrafo anteriores poderá aplicárselle un coeficiente de incremento de ata o 100 por cento ou unha diminución de ata o 50 por cento.

Así mesmo, poderán contemplarse ata tres categorías de situación en función da afluencia de público, situación, etc., e atendendo a esta, á tarifa calculada no parágrafo anterior poderá aplicárselle unha reducción do 50 por cento ata un aumento do 100 por cento.

Atendendo á forma de adxudicación elixida (poxa, concurso ou adxudicación directa), poderá, así mesmo, aplicarse un incremento ou unha diminución das tarifas resultantes pola aplicación dos anteriores criterios de ata un 20 por cento.

Con ocasión da aprobación do proxecto de feira, o órgano competente confeccionará e aprobará o cadro de tarifas resultante da aplicación destes criterios e que servirá de base para a determinación do canon de ocupación.

Nos procedementos de licitación por poxa, este canon de ocupación terá o carácter de “prezo de saída” e o importe final da taxa virá determinado polo valor económico da proposición sobre a que recaía a adxudicación.

Epígrafe F: Ocupación do solo, voo e subsolo.

1) APROVEITAMENTO DO SUBSOLO

1.A) INSTALACIÓNS ELÉCTRICAS SUBTERRÁNEAS.

1.A.1) ALTA TENSIÓN

Por cada metro lineal ou fracción de conducción, canalización eléctrica subterránea de media ou alta tensión.

Metro lineal.	0,34 €
---------------	--------

1.A.2) TRANSFORMADORES:

Categorías	1 ^a e 2 ^a	3 ^a	Outro terreo núcleo urb.	Fóra núcleo urbano
------------	---------------------------------	----------------	-----------------------------	-----------------------

1. Ata 25 kW	44,71 €u	33,67 €u	22,30 €u	14,82 €u
2. De 26 a 50 kW	74,35 €u	55,61 €u	37,08 €u	26,18 €u
3. De 51 a 100 kW	148,20 €u	108,01 €u	74,35 €u	44,71 €u
4. De máis de 100 kW	260,42 €u	204,62 €u	111,58 €u	74,35 €u

1.A.3) ELEMENTOS DE DERIVACIÓN E ARQUETAS DE ALTA TENSIÓN.

Elementos de derivación	26,18 €u.
Arquetas	74,23 €u.

1.A.4) BAIXA TENSIÓN.

Por cada m lineal ou fracción de conducción, canalización eléctrica de baixa tensión.

Ata 10 mm ² de sección nominal	0,07 €metro.
De 16 a 95 mm ²	0,12 €metro.
De 120 a 500 mm ²	0,14 €metro.
De 630 a 1.000 mm ²	0,27 €metro.

1.A.5) ELEMENTOS DE DERIVACIÓN E ARQUETAS BAIXA TENSIÓN

Caixas de distribución	18,69 €u.
Arquetas	37,16 €u.

1.B) ENCANAMENTOS PARA AUGA:

Por metro lineal ou fracción:

Ata 50 mm de diámetro	0,12 €
De 51 a 150	0,22 €
De máis de 150	0,28 €

1.C) LUCERNARIOS OU MOEGAS DE BEIRARRÚAS PARA SERVIZO DE EDIFICIOS

Por metro cadrado ou fracción:

En rúas de 1 ^a e 2 ^a categoría.	19,03 €
---	---------

En rúas de 3 ^a categoría.	7,48 €
Outros terreos do núcleo urbano.	5,12 €
Terreos fóra do núcleo urbano.	3,00 €

1.D) DEPÓSITOS

Por metro cúbico de volume ou fracción:

	Para combustibles	Outros depósitos
Rúas 1 ^a e 2 ^a :	19,03 €	15,12 €
Rúas 3 ^a :	15,12 €	7,48 €
Outros terreos núcleo urbano:	7,48 €	3,87 €
Fóra núcleo urbano:	5,27 €	3,08 €

2) APROVEITAMENTO DO SOLO E VOO DA VÍA PÚBLICA:

Roscas de ás ou soportes de conducción aérea, unidade.	0,12 €
Postes de formigón armado, unidade.	12,38 €
Postes de estructura metálica, unidade.	24,78 €
Caixas de distribución, unidade.	6,20 €
Transformadores eléctricos.	30,99 €
Aparellos subministradores de gasolina.	310,82 €
Grúas á semana: Por cada unha, instalada en terreo particular, pero na que a pluma voe sobre a vía pública.	1,32 €

Se a grúa está instalada sobre a vía pública, será gravada coas seguintes tarifas:

	Rúas de 1 ^a categoría	Rúas de 2 ^a categoría	Resto de rúas
1 mes	195,10 €	146,37 €	97,59 €
2 meses	409,68 €	312,24 €	214,69 €
3 meses	653,75 €	507,34 €	361,06 €
4 meses	946,39 €	751,22 €	556,16 €
5 meses	1.287,93 €	1.043,76 €	800,04 €
6 meses	1.678,19 €	1.385,40 €	1.092,68 €
No caso de que a ocupación exceda de 6 meses, por cada mes de exceso:	390,25 €	341,54 €	292,64 €

3) OUTROS APROVEITAMENTOS

Básculas automáticas e outros aparellos automáticos para venda.	63,05 €
Anuncios realizados mediante globo ou aeronave, propagand arrastrada ou tirada dende eles ás vías públicas. Por cada establecimiento ou producto anunciado e día.	97,51 €
Anuncios sonoros circulantes, por día e vehículo.	3,00 €
Instalación de valos publicitarios, lonas en edificacións e monopostes anunciadores, ocupando terreos de dominio público local:	
- Valos publicitarios, por metro cadrado e ano:	3,51 €
- Valos publicitarios de 8 metros e catro soportes, por ano:	252,03 €
- Lonas en edificacións, por metro cadrado e ano:	7,00 €
- Monopostes anunciadores, por metro cadrado e ano:	10,51 €
Os requisitos e condicións esixibles nestes aproveitamentos especiais da vía pública serán os seguintes:	
1. A instalación de valos, lonas e monopostes contará coa debida autorización municipal.	
2. Existirá sempre unha identificación visible da empresa propietaria.	
3. As instalacións contarán cun seguro de responsabilidade civil.	
4. Estarán sempre en bo estado de conservación, mantemento e limpeza.	
5. Os valos terán un marco dunha anchura de 25 cms., pintado de cor.	
6. Os valos serán sobre soportes introducidos nunha base de formigón a unha profundidade mínima de 0,75 metros.	
7. O soporte das lonas estará debidamente afirmado na parede e as cordas de suxección contarán coa resistencia adecuada.	
8. Os monopostes contarán con proxecto e dirección de obra e a súa colocación farase a unha distancia de edificios e da vía pública dun mínimo que será o resultante da altura total do monoposte máis 5 metros.	

4) EMPRESAS EXPLOTADORAS DE SERVIZOS DE SUBMINISTRACIÓN

1. Cando se trate de taxas por utilización privativa ou aproveitamentos especiais constituídos no solo, subsolo ou voo das vías públicas municipais, en prol de empresas explotadoras de servizos de subministración que resulten de interese xeral ou afecten á xeneralidade ou a unha parte importante da veciñanza, o importe daquelas consistirá, en todo caso e sen excepción ningunha, no 1,5 por 100 dos ingresos brutos procedentes da facturación que obteñan anualmente dentro do termo municipal as citadas empresas.

Para estes efectos, incluiranse entre as empresas explotadoras dos ditos servizos as empresas distribuidoras e comercializadoras deles. Non se incluirán neste réxime especial de cuantificación da taxa os servizos de telefonía móvil.

Este réxime especial de cuantificación aplicaráselles ás empresas a que se refire este parágrafo, tanto se son titulares das correspondentes redes a través das que efectúan as subministracións como se, non sendo titulares das ditas redes, o son de dereitos de uso, acceso ou interconexión a elas.

As ditas taxas son compatibles con outras que se establezan pola prestación de servizos ou pola realización de actividades de competencia local, das que as mencionadas empresas deban ser suxeitos pasivos conforme ó establecido no artigo 23.1.b) do Real decreto lexislativo 2/2004, do 5 de marzo, polo que se aproba a texto refundido da Lei reguladora das facendas locais, quedando excluída, polo pago desta taxa, a exacción doutras taxas derivadas da utilización privativa ou o aproveitamento especial constituído no solo, subsolo ou voo das vías públicas municipais.

O importe derivado da aplicación deste réxime especial non poderá ser repercutido ós usuarios dos servizos de subministración.

2. Terán a consideración de ingresos brutos, para os efectos do disposto no parágrafo anterior, os que, sendo imputables a cada entidade, se obtiveran por esta como contraprestación polos servizos prestados no termo municipal.

Non se incluirán no concepto de ingresos brutos procedentes da facturación os impostos indirectos que os graven, nin as partidas ou cantidades cobradas por conta de terceiros que non constitúan un ingreso propio da entidade á que se aplique este réxime especial de cuantificación da taxa.

3. Non se incluirán entre os ingresos brutos, para estes efectos, os impostos indirectos que graven os servizos prestados nin as partidas ou

cantidades cobradas por conta de terceiros que non constitúan un ingreso propio da entidade á que se aplique este réxime especial de cuantificación da taxa.

As empresas que empleguen redes alleas para efectuar as subministracións deducirán dos seus ingresos brutos de facturación as cantidades satisfeitas a outras empresas en concepto de acceso ou interconexión ás súas redes. As empresas titulares das ditas redes deberán computar as cantidades percibidas por tal concepto entre os seus ingresos brutos de facturación.

4. A contía destas taxas que puidese corresponder á Telefónica de España, S.A., está englobada na compensación en metálico de periodicidade anual a que se refire o punto 1 do artigo 4 da Lei 15/87, do 30 de xullo.

Epígrafe G: Caixeiros automáticos, máquinas para a adquisición/aluguer de películas ou para a venda de produtos legalizados, en línea de fachada e orientados cara a vía pública:

Por unidade de caixeiro/máquina ó ano:	275,95 €
--	----------

Ó abeiro do establecido no artigo 17º da Ordenanza fiscal xeral, establecécese a obriga, a efectos de practicar a correspondente liquidación, de declarar perante a Administración tributaria a instalación e a desinstalación do caixeiro/máquina.

ARTIGO 5º. OBRIGACIÓN DE PAGAMENTO.

1. A obrigación de pagamento das taxas reguladas nesta ordenanza nace:

a) Cando se trate de autorización de novos aproveitamentos, no momento de solicitar a licenza ou no momento de comezar aqueles, no caso de non contar con licenza.

b) Cando se trate de aproveitamentos xa autorizados e prorrogados, o día no que se solicite a prórroga.

2. O pagamento das taxas realizarase:

a) No caso de novos aproveitamentos, no momento de autorizar a licenza, polo procedemento de autoliquidación nas oficinas de Facenda Local e depósito previo na Tesourería municipal.

b) No caso de aproveitamentos xa autorizados e prorrogados, ingresarase a contía correspondente ó período anual, para o que o Concello requirirá anualmente para o seu pagamento a través de anuncios no Boletín Oficial da Provincia.

c) As empresas explotadoras de servizos de subministración ingresarán polo procedemento de autoliquidación, no primeiro mes de cada trimestre, o importe da taxa correspondente ó penúltimo trimestre a aquel no que efectúen o pagamento.

A autoliquidación practicada no mes de xaneiro terá o carácter “a conta” da liquidación anual. A autoliquidación practicada en xullo deberá ir acompañada do balance de situación e conta de explotación da entidade, relativos ó exercicio precedente, certificados polo presidente do consello de administración así como informe de auditoría, onde conste expresamente a facturación correspondente ó termo municipal de Lugo no citado período.

3. Transcorridos os prazos establecidos no punto anterior e o que fixe o Concello para pagos anuais, as taxas exaccionaranse pola vía de constrinximento.

4. Poderán establecerse concertos semestrais ou anuais para a exacción do gravame que afecte á ocupación da vía pública con colectores. Neles poderán ser tidos en conta circunstancias de beneficio social, derivadas do desenvolvemento no uso dos colectores.

5. A exacción do gravame que afecte ós aproveitamentos especiais da vía pública será a establecida no correspondente concerto coa empresa subministradora do gas.

ARTIGO 6º. NORMAS DE XESTIÓN.

1. Para gozar dos aproveitamentos especiais e utilizacións privativas da vía pública, as persoas interesadas deberán solicitar a oportuna licenza. No caso de que os lugares susceptibles de aproveitamento especial ou utilización privativa fosen limitados, poderán concederse as licenzas mediante poxa ou concurso conforme ó prego de condicións que oportunamente se aprobe. Servirán de tipo inicial de licitación os prezos que figuran no artigo 4 desta ordenanza.

En todo caso estes aproveitamentos axustaranse segundo o disposto no Regulamento de bens das entidades locais aprobado polo Real decreto 1372/86.

As autorizacións para a ocupación de terreos de uso e servizo público con motivo dalgunha das festas que se celebran no municipio, despacharanse mediante poxa ou concurso, e os ingresos destinaranse ós fins de tales festas.

2. As persoas ou entidades interesadas na concesión de aproveitamentos regulados nesta ordenanza deberán formular simultaneamente á solicitude de licenza, a declaración de lonxitude, superficie, elementos a instalar, plano de planta e todos aqueles datos que se consideren necesarios para practicar a liquidación.

3. As solicitudes contarán en todo caso cos seguintes datos: nome, apelidos e NIF ou razón social, e CIF do solicitante, enderezo e situación do aproveitamento.

4. Os servizos técnicos deste Concello informarán e liquidarán as solicitudes presentadas polos interesados e as licenzas concederanse conforme as normas vixentes no Concello en relación co tráfico, limpeza, non obstaculizar calzada e beirarrúas, seguridade e outras.

5. Ós efectos de practicar a liquidación, se o aproveitamento está situado na confluencia de varias rúas, aplicarase a tarifa correspondente á rúa de categoría fiscal superior, e se está situado en parques e xardíns públicos, aplicarase a categoría da rúa de maior categoría coa que linden.

6. Non poderá gozarse dun aproveitamento da vía pública ata que fose ingresado o importe da taxa e fose outorgada a correspondente licenza.

7. Entenderase autorizada a ocupación polo tempo que figure na licenza e no caso de aproveitamentos de duración indeterminada, mentres a Alcaldía non acorde a súa caducidade ou o interesado non presente a baixa.

8. As declaracíons de baixa dos aproveitamentos prorrogados ou continuados producirán efectos no ano seguinte a aquel en que fosen formuladas.

9. No caso dos aproveitamentos que figuran nos epígrafes A, B, C e E, do artigo 4º os titulares das licenzas deberán depositar antes de retirar a licenza,

fianza para responder dos posibles danos que poidan ocasionarse na vía pública, dos posibles gastos de reconstrucción ou reparación da vía pública, na contía que determine a Ordenanza fiscal xeral ou de ser o caso, os departamentos de Urbanismo, Seguridade e Tráfico segundo corresponda.

10. Cando a utilización privativa ou aproveitamento especial levase consigo a destrucción ou estrago do dominio público local, o beneficiario, sen prexuízo do pagamento da taxa a que procedese, estará obrigado a deixar en perfecto estado o dominio público empregado. A Inspección municipal acreditará este punto, e, no caso de informe negativo, o Concello realizará as obras de reconstrucción ou reparación a cargo do titular e procederá ademais á imposición de sanción conforme ó artigo 21.K da Lei 7/1985.

Se os danos fosen irreparables, o Concello será indemnizado en contía igual ó valor dos bens destruídos ou ó importe do estrago causado.

O Concello non poderá condonar total nin parcialmente as indemnizacións e reintegros ós que se refire este punto.

11. O goce dun aproveitamento sen licenza ou por superficie ou duración superior á que figurase naquela será sancionado pola Alcaldía de acordo co disposto no artigo 21.K da Lei 7/1985, do 2 de abril, reguladora das bases do réxime local e restante normativa de aplicación.

DISPOSICIÓN COMPLEMENTARIA

Para todo o non previsto expresamente nesta ordenanza será de aplicación directa a regulación contida nos artigos 20 a 27 do Real decreto lexislativo 2/2004, do 5 de marzo, polo que se aproba a texto refundido da Lei reguladora das facendas locais, e demais normas concordantes de réxime local, e subsidiariamente os artigos 24 a 27 da Lei 8/1989, do 13 de abril, de taxas e prezos públicos, e preceptos concordantes da Lei xeral tributaria e da Lei xeral presupostaria. Tamén se aplicarán directamente os preceptos pertinentes da Ordenanza fiscal xeral e a Ordenanza municipal de protección ambiental.

DISPOSICIÓN TRANSITORIA

Establécese unha bonificación do 95% na Taxa polo aproveitamento especial da vía pública con estadas que se destinen ó pintado e tratamento de

fachadas, sen prexuízo de que o interesado deba solicitar igualmente a oportuna autorización municipal.

DISPOSICIÓN FINAL

A presente ordenanza aprobada e modificada respectivamente por acordo do Concello Pleno do 29 de decembro de 1998 e do 26 de decembro de 2007, entrará en vigor o día da súa publicación no Boletín Oficial da Provincia, e comenzará a aplicarse a partir do 1 de xaneiro de 2008. Permanecerá en vigor ata a súa modificación ou derogación expresa.

PUBLICACIÓN ÍNTEGRA:	BOP núm. 298 do 30 de decembro de 1998
MODIFICACIÓN:	BOP núm. 293 do 23 de decembro de 1999
CORRECCIÓN ERROS:	BOP núm. 11 do 15 de xaneiro de 2000
MODIFICACIÓN:	BOP núm. 298 do 30 de decembro de 2000
MODIFICACIÓN:	BOP núm. 297 do 29 de decembro de 2001
MODIFICACIÓN:	BOP núm. 74 do 31 de marzo de 2003
MODIFICACIÓN:	BOP núm. 298 do 30 de decembro de 2003
MODIFICACIÓN:	BOP núm. 299 do 30 de decembro de 2004
MODIFICACIÓN:	BOP núm. 298 do 30 de decembro de 2005
MODIFICACIÓN:	BOP núm. 298 do 30 de decembro de 2006
MODIFICACIÓN:	BOP núm. 299 do 31 de decembro de 2007